

贛州府志卷三十九

藝文志 詩



歐陽子嘆華文少實不足以行遠周子亦曰輪轅飾而人弗庸猶虛車也。前人稱慶士崇實黜浮不尚文藻故先賢負經術而迹多韜晦然舊編所錄猶不下百數十種按以四庫之例見於各史所採者不數種焉。洵哉行遠者之難言也。若夫韻語散體雜著之作或無關本郡之紀載或就郡言郡亦不皆郡人之文志以紀事取其切要者錄之其可免於虛車之飾也已志藝文

詩

贛州府志

卷三十九

唐詩

唐

在洪州答綦母學士

張九齡

旬雨不愆期由來自若時爾無言郡政吾豈欲天欺常念涓塵益惟歡草樹滋課成非所擬人望在東菑

同綦母學士月夜聞鴈

棲宿豈無異飛飛更遠尋長途  
黍及半中夜有遺音月度關山笛  
風號流水琴空思兩相應幽感亦何深  
避繳歸南浦離羣叫北林  
睽翮俱不定憐爾越鄉心

送綦母潛落第

王維

聖代無隱者英靈盡來歸  
遂令東山客不得顧采薇  
既至君門遠孰云吾道非  
江淮度寒食京洛縫春衣  
置酒臨長



道問心與我遠行當浮桂棹未幾拂荆扉遠樹帶行客孤  
城當落暉吾謀適不用勿謂知音稀

送綦母潛

端笏明光殿歷稔朝雲陛詔看延閣書高議平津邸適意  
輕微祿遇人削煩禮盛得江左風彌工建安體高張多絕  
絃截河有清濟嚴冬凌羣木伊洛方清泚渭水水下流潼  
關雪中閉荷蓀幾時還塵纓待君洗

送綦母校書棄官還江東

明君久不達棄置與君同天命無怨色人生有素風念君  
拂衣去四海將安窮秋天萬里靜日暮九江空清夜何悠  
悠扣舷明月中和光魚鳥際澹爾蒹葭叢無容客晤世衰  
鬢白如蓬頑疎暗人事僻陋遠天聰微物縱可採其誰為  
至公予亦從此去歸耕為老農

送綦母潛

盧象

夫君不得意本自滄桑來高足未云騁虛舟復空迴淮海  
楓葉落灞岸桃花開去家暫為閒浮沉安繫哉如何天覆  
物還遣世遺才欲隱秦將漢當關王與裴離筵對寒食別  
雨乘春雷會有徵書到荷衣且漫裁

寄綦母三

李頎

新加大邑綬仍黃近與單車過洛陽顧盼一過丞相府風  
流三接令公香南川粳稻花侵縣西嶺雲霞色滿堂共道  
進賢蒙上賞看君幾歲作臺郎



送綦母三謁房給事

夫子大名下家無鍾石儲惜哉湖海上會校蓬萊書外物  
非本意此生空澹如所思但乘興遠適惟單車高道時坎  
坷舊交願吹噓徒言青瑣闥不愛承明廬百里人戶滿片  
言諍訟疎手持蓮花經目送飛鳥餘晚景南路別炎雲中  
伏初此行儻不遂歸食蘆洲魚

題綦母校書所居

常稱挂冠吏昨日歸滄洲行客暮帆遠主人庭樹秋豈伊  
得天命但欲爲山遊萬物我何有白雲空自幽蕭條江海  
上日夕見丹邱生事本魚鳥賞心隨去留惜哉曠微月欲  
濟無輕舟倏忽令人老相思河水流

贛州府志

卷三九

唐詩

三

酬綦母校書夢遊耶溪見贈之作

儲光羲

校文在仙掖每有滄洲心况以北窓下夢遊清溪陰春看  
湖口漫夜入迴塘深徃徃纜垂葛出舟望前林山人松下  
飯釣客蘆中吟小隱何足貴勝遊在幽尋慙落山水間冷  
然若鳴琴申章謝來意愧莫酬知音

東京諸公與綦母潛李頎相送至白馬寺宿

王昌齡

鞍馬上東門徘徊入孤舟賢豪相追送即棹千里流遠峯  
落日在空波微煙收宦薄忘機括醉來却淹留月明見古  
寺林外登高樓南風開長廊夏夜如涼秋江月照吳苑西  
歸夢中遊



哭亡友綦母補闕

王灣

明代資多士儒林得異才書從金殿出人向玉墀來詞學  
張平子風儀褚彥回崇儀希上德近侍接元台曩契心期  
密今遊宴賞陪屢遷君擢桂分尉我從梅忽遇乘軺客云  
傾構厦材泣爲涸水化歎作泰山顏冀善初將慰尋言半  
始猜位聯情意感交密痛難裁遠日寒旌暗長風古輓哀  
寰中無舊業行處有新苔反哭魂猶寄終喪子尚孩塋田  
門吏給墳木路人栽遽洩悲成徃俄傳寵令回元經貽石  
室朱紱耀泉臺地古春長閉天明夜不開登山一臨哭揮  
淚滿蒿萊

永嘉即事寄贛縣袁少府瓘

張子容

贛州府志

卷三九

唐詩

四

山繞樓臺出溪通里開斜會爲謝客郡多有逐臣家海氣  
朝成雨江天晚作霞題書報賈誼卑濕似長沙

張尚瑗曰詩紀錄袁瓘鴻門行惠文太子輓歌諸篇  
亦明皇時詩人也嘗官少府外徙居贛孟郊有贈張  
子容少府之詩蓋與瓘同官長安而謫居相問但瓘  
之在贛或爲令或丞尉俱未可知王季友之虔幕其  
爲別駕叅軍亦未可知故並不取列之長貳表中

秋日送杜虔州

王建

憶得宿新宅別來餘蕙香初聞守郡遠一日臥空床野驛  
燐火濕路人消息狂山樓添鼓角村柵立旗槍晚渚露荷  
敗早衙風桂涼謝家章句出江月少輝光



送王季友赴虔州幕下

錢起

列郡皆用武南征所從誰諸侯重才畧見子如瓊枝撫劍  
感知已出門方遠辭煙皮帶幕府海日生紅旗問我何功  
德負恩留玉墀銷魂把別袂愧爾酬明時

寄虔州韓使君

張籍

南康太守負才豪五十如今未擁旄早得一人通姓字常  
聞三事說功勞月明渡口章江靜雲散城頭贛石高郡政  
已成秋思遠閒吟應不問官曹

送南康姚明府

賈島

銅章美少年小邑在南天版籍多遷客封疆接峒田靜江  
鳴野鼓發纜帶村煙却笑陶元亮何須憶醉眠

贛州府志

卷三九

唐詩

五

曉登虔州即事寄李侍御

耿漳

章江與貢水何事會波瀾萬里歸人少孤舟行路難天光  
浮曲浪春色隔連灘花發從南早江流向北寬故交叅盛  
府新角聳危冠楚劍期中割隋珠惜未彈酒醒愁轉極別  
眼淚初乾願保喬松質青青過歲寒

送杜郎中使君赴虔州

楊巨源

迢遞南康路清輝得使君虎符秋領俗鶴署早辭羣地遠  
仍連戍城巖本帶軍傍江低檻月當嶺滿窻雲境勝閭閻  
間天清水陸分和詩將惠政頌述九衢聞

和孟虔州閑齋即事

包河

古郡隣江嶺公庭半薜蘿府寮閑不入山鳥靜偏過睥睨



臨花柳闌干枕芰荷麥秋今已至君聽兩岐歌

清明送韋侍郎貶虔州

白居易

寂寞清明日蕭條司馬家留餽和冷粥出水煮新茶欲別能無酒相留亦有花南遷更何處此地已天涯

送人往虔州

劉商

莫道乘輶道路賒高樓日日望還家人到南康皆下淚唯君笑向此中花

中書令鍾紹京

皇甫澈一作激

景龍仙駕遠中禁奸釁結謀猷叶聖明披鱗奮英節青宮閭闔啟滌穢氛沴滅紫氣重昭回皇天新日月從容廟堂上肅穆人神悅唐元佐命功輝煥何烈烈

贛州府志

卷三九

唐詩

六

虔州見鄭表新詩因以寄贈

崔尚

梅花嶺上見新詩感激深情過楚詞平子四愁今莫比休文八詠自同時萍鄉露冕真堪惜鳳沼鳴珂已訝遲才子風流定難見湖南春草但相思

送沈下賢謫尉南康

張祐

秋風江上草先是客心催萬里故人去一行新鴈來山高雲緒亂浦迴日波頽莫怪南康遠相思不可裁

哭虔州楊侍郎虞卿

李商隱

漢網疎仍漏齊民困未蘇如何大丞相翻作弛刑徒中憲方外易京尹終就拘本矜能弭謗先議取非辜巧有凝脂密功無一柱扶深知獄吏貴幾迫季冬誅叫帝青天濶辭



白日逋流亡誠不弔神理若爲誣在昔恩知忝諸生禮  
秩殊入韓非劍客過趙受鉗奴楚水招魂遠邛山卜宅孤  
甘心親垤蟻旋踵戮城狐陰隲今如此天災未可無莫憑  
牲玉請便望救焦枯

江行無題一百首之二

錢翊

數峰雲斷處去岸映高山身到章江日應猶未得閒  
一灣斜照水三板順風船未敢相邀釣勞生只自憐

南康夜宴東溪留別郡守陸郎中

張蠓

飄然野客才無取多謝東君獨見知竹葉樽前教駐樂桃  
花紙上待題詩香迷蛺蝶投紅燭舞拂蒹葭倚翠帷明發  
別愁何處去片帆天際酒醒時

贛州府志

卷三九

唐詩

七

南康郡牧陸肱郎中辟許棠先輩爲郡從事因有寄

贈

鄭谷

末路思前難猶爲戀故巢江山多勝境賓主是貧交飲舫  
閒依葦琴堂雅結茅夜清僧伴宿水月在松梢

寄虔州薛大夫

羅隱

祝融峯下別三載夢魂勞地轉南康重官兼亞相高海鵬  
終負日神馬肯眠槽會得窺成績幽窓染兔毫

南康道中

弱冠負文翰此中聽鹿鳴使君延上榻時輩仰前程丹桂  
竟多故白雲空有情惟餘路旁淚沾灑向塵纓

貽南康陳處士陶

譚用之



玉堆邊蔣逕橫空濟二十四灘聲老無征戰軒轅國貧  
有茅茨帝舜城丹鳳晝飛羣木冷一龍秋臥九江清時人  
莫笑無經濟還喜中原致太平

贈寥凝

韋鼎

君與白雲鄰生涯久忍貧姓名高雅道寰海許何人嶽氣  
秋來早亭寒果落新幾迴吟石畔孤鶴自相親

答人

太上隱者

偶來松樹下高枕石頭眠山中無歷日寒盡不知年

沽酒

酒盡君莫沽壺傾我當發城市多囂塵還山弄明月

聞李虔州亡

釋靈澈

贛州府志

卷三九

唐詩

時時聞說故人死日日自悲垂老身白髮不生應不得青  
山常在屬何人

南唐

文彘少卿文山郎中文好深至二紀有餘睽別數年  
二子長逝奉使嶺表途次南康弔孫氏之孤於其  
家覩文彘手書於僧室慷慨悲歌留題此詩

徐鉉

孫家虛座弔諸孤張叟僧房見手書二紀歡遊今若此滿  
衣零淚欲何如腰間金印從如斗鏡裏霜華已滿梳珍重  
遠公應笑我塵心唯此未能除

朱處士相與有山水之願見送至南康作此別之



憐君送我至南康更憶梅花庾嶺芳多少仙山共遊在願  
君百歲尚康強

宋

虔州即事

趙抃

君恩山重若爲酬補郡都忘樂與憂惶恐灘長從險絕鬱  
孤臺迥足觀遊贛州在昔名難治鈴閣於今幸少休人謂  
濶疎予自喜遠民安堵更何求

答贛縣錢顛著作移花

令尹憐花意思勤海棠多種郡園新自從西蜀年年見今  
日欄邊似故人

次韻周茂叔國博見贈

贛州府志

卷三九 宋詩

九

蜀川一見無多日贛水重來復後時古栢根深寒不變老  
桐音淡世難知觀遊邂逅須同樂離合參差益再思籬有  
黃花樽有酒大家尋賞莫遲疑

次韻周茂叔重陽節近見菊

爲僚初自喜邀客亦逢嘉把酒須同樂分襟莫預嗟未曾  
登畫舸好共戴黃花試向東籬看秋叢映曉霞

和虔守任滿周茂叔香林寺飯別

顧我入趨堯闕去煩公出餞贛江頭爲逢蕭寺千山好不  
惜蘭船一日留清極往來無俗論道通何處有離憂分攜  
豈用驚南北水闊風高萬里秋

香林寺別虔守趙公

周敦頤



公暇頻陪塵外遊朝天仍得送行舟軒車更共入山脚旌  
旆且從留渡頭精舍泉聲清灑灑高林雲色淡悠悠談終  
道與愁言去明日瞻思上郡樓

考大成集以為萬安香城寺排也

張志瀛溪集原註清獻自虔州赴召舟至皂口同遊香林寺石刻可

送知軍曹比部移虔州

李觀

要知賢者善居官法自嚴明性自寬黠吏欲欺難作計愚  
民初懼久方安獄詞大小情皆見市物公私價一般農力  
不聞供土木窮閭猶得免饑寒星為二使來巡撫考未三  
年悉可觀劇郡便當煩鎮守君恩寧許更盤桓兩番資水  
行非遠五袴盱江日漸單從此天衢龍躍去野人懷德謾  
悲酸

贛州府志

卷三九

宋詩

十

送岳師歸贛州

余靖

千里起歸思翛然物外身海山經處霧梅嶺到時春藥更  
開新楮庭猶長舊筠年衰重方術聊此送行人

謹吟五十六字攀送仲求殿丞之任贛州竊惟嚴君  
國博挂冠歸閒而仲求兄弟為鄰部守倅其榮至  
矣誠欲賦述詞不逮意

一門纓組列西雝又見雙旌並訓農三釜親庭交祿養夾  
河子舍接鄰封酒闌風雪催行色吟際江山助筆鋒我亦  
思親求郡紱東湖南浦好過從

送虔州江陰二妹

王安石

貢水日夜下日與章水期我行二水間無日不爾思飄若



越鳥北心常在南枝又如岐首蛇南北兩相馳逝者日已  
徃百憂詎可追生存苦乖隔邂逅亦何時女子歸有道善  
懷見於詩庶幾留汝車慰我堂上慈

送行先直閣

陳光

紛紛燕雀鬧蒿萊共喜仙禽特地來初向紫霄翻素羽俄  
驚白露下蒼苔靈龜不老應同壽旅鴈知時豈是才數載  
山林人不識却隨鸞鳳上瑤臺

虔守霍大夫監郡許朝奉見和此詩

即鬱孤臺詩

復次前韻

蘇軾

大邦安靜治小院得閒遊贛水雨已漲廉泉春未流同烹  
貢茗雪一洗瘴茅秋鄉思生萼鱠寒衣待橘洲楊雄未有  
贛州府志

卷三九

宋詩

十一

宅玉粲且登樓老境無多日歸心夢幾州敢因逃酒去端  
爲和詩留舊篋藏新語清風自滿舟

用前韻再和霍大夫

文字先生飲

謂劉執中

江山清獻遊典型傳父老尊俎繼風流

度嶺逢梅雨還家指麥秋自慙鴻鴈侶爭集稻梁洲野濶  
橫雙練城堅聳百樓行看鳳尾詔却下虎頭州君意已吳  
越我行無去留歸途應食粥乞米使君舟

用前韻再和許朝

高門元世舊客路晚追遊清絕聞詩語疎通豈法流傳家  
有衣鉢斷獄盡春秋邂逅陪車馬尋芳謝眺洲淒涼望鄉  
國得句仲宣樓恨賦投湘水悲歌祀柳州何如五字律相



與一樽留更約登塵外歸時月滿舟

和猶子逢贈孫志舉

軒裳大爐鞴陶冶一世人縱橫落模範誰復甘饑貧可憐  
方回癡初不疑嘉賓頗念懷祖黠瞋兒與兵姻失身墮浩  
渺投老無涯垠回看十年舊誰似數子真孫郎表獨立霜  
戟交重闈深居不汝覲豈問親與鄰連枝皆秀傑英氣推  
伯仁我從海外歸喜及崆峒春新年得異書西鄰有逸民  
陽行先以登真隱訣見借小孫又過我歡若平生親清詩五百言句句皆  
絕倫養火雖未伏要是丹砂銀我家六男子樸學非時新  
詩詞各璀璨老語徒周諄願言敦夙好永與竹林均六子  
豈可忘從我屢厄陳

贛州府志

卷三九

宋詩

十二

用前韻再和孫志舉

人定者勝天天定亦勝人鄧通豈不富郭解安得貧驚飛  
賀厦燕走散入幕賓醉眠中山酒夢結南柯姐寵辱能幾  
何悲歡浩無垠回視人間世了無一事真灑掃古玉局香  
火通帝闈我室思無邪我堂德有鄰所至爲鄉里事賢友  
其仁之子富經術蔚如井大春螭蟪楚南極淑氣生此民  
唱高和自寡非我誰當親譬彼薜谷竹翦裁待伶倫俗學  
吁可鄙紙繪配芻銀聊將調癡鬼亦復爭華新願子事篤  
學浮言掃謔諄窮通付造物得喪理本均期子如太倉會  
當發陳陳

贈虔州術士謝晉臣



屬國新從海外歸君平且莫下簾帷前生恐是盧行者後  
學過呼韓退之死後人傳戒定慧生時宿直斗牛箕憑君  
爲算行年看便數生時到死時

乞數珠一首贈南禪湜老

從君覓數珠老境伏消遣未敢轉千佛且從千佛轉儒生  
推變化乾策數大衍道士守元牝龍虎看舒卷我老安能  
爲萬劫付一喘默坐閱塵界往來八十反區區我所寄蹙  
縮蠶在蠶適從海上回蓬萊又清淺

用數珠韻贈湜長老

嗣宗雖不言叔寶猶理遣東坡但熟睡一夕一展轉南遷  
昔虞翻却掃今馮衍古佛既手提諸方皆席卷當年清隱  
老鶴瘦歸不喘和我彈丸詩百發亦百反耆年日凋喪但  
有獨角蠶時來歸方丈共笑虎毛淺

南禪老和詩不已故作六蟲篇答之

鳳凰覽德輝遠引不待遣鷓鴣戀庭宇倏忽來千轉那將  
作井蛙而比談天衍蠹魚著文字槁死猶遭卷老牛疲耕  
作見月亦妄喘東坡方三問南禪已五反老人但目擊侍  
者應足蠶最後六蟲篇深寄恨語淺

明日南禪和詩不到故重賦數珠篇以督之二首

未來不可招已過那容遣中間見在心一一風輪轉自從  
一生二巧歷莫能衍不如袖手坐六合都懷卷風雷生謦  
欬萬竅自號喘詩人思無邪孟子內自反大珠分一月細



緘合兩蠶纒然挂禪床妙用夫豈淺

朝來取飯化乃是維摩遣全鋒雖未露半藏已會轉說有  
陋裴顧談無笑王衍看經聊爾耳遮眼初不卷三咤故自  
醒一呖何由喘請歸視故櫝靜夜珠當反安居三十年古  
衲磨山蠶持珠尚默坐豈是功用淺

崔文學甲攜文見過蕭然有出塵之姿問之則孫介  
夫之甥也故復用前韻賦一篇示志舉

象服盛簪珥豈是邢夫人弊衣破冠履可憐范叔貧君看  
崔員外晚就觀國賓當年頗赫赫翁媪爭為姻

事見退之贈  
崔員外詩

踏蹬阻風水橫斜挂邊垠青山映白髮今似梅子真道存  
百無害甘守吳市闔自言總角歲慈母為擇鄰邦人驚似

贛州府志

卷三九

宋詩

十四

舅矯矯惡不仁詩文非他師家法乃富春豈非空岿秀為  
國產俊民挺然齊魯生近出姬姜親為文不在多一頌了  
伯倫清詩要鍛鍊乃得鉛中銀自我遷嶺外七見槐火新  
著書已絕筆一默含千諄蕢桴和葦籥天節非人均時時  
自娛嬉豈為俗子陳

虔州呂倚承事年八十三讀書作詩不已好收古今  
帖貧甚至食不足

揚雄老無子馮衍終不遇不識孔方兄但有靈照女家藏  
古今帖墨色照箱篋饑來據空案一字不堪煮枯腸五千  
卷磊落相撐拄吟為蜩蛩聲時有鳥可句為語里長者德  
齒敬已古如翁有幾人薄少可時助



贈王子直秀才

萬里雲山一破裘杖端閑挂百錢遊五車書已留兒讀二  
頃田應爲鶴謀水底笙歌蛙两部山中奴婢橘千頭幅巾  
我欲相隨去海上何人識故侯

轍有白髮近二十年矣然止百餘莖不增不減虔州  
道人王正彥教令拔去以真水火養之恐不復更  
生從其言已數月而白髮不出更年歲不見豈真  
不生耶子瞻兄示我月中梳頭詩戲次來韻言拔

白之驗

蘇轍

水上有車車自翻懸流如線垂前軒霜蓬已枯不再綠有  
客勸我抽其根根根一去紫茸茁珍重已試幽人言紛紛

贛州府志

卷三九

宋詩

十五

華髮不足道當返六十過去魂

送施屯田提點銅場兼相度嶺外鹽入虔吉

梅堯臣

江西采銅山未竭南越熬波海將結土人貪利不畏刑白  
日持兵逾盜竊銅私鑄器鹽奪商死共吏爭蛇鬪穴奸豪  
乘勢倚蠻陬劫掠聚徒成蟻蛭今雖驅翦嶺下平尚恐根  
存更生孽因擇健才通便民付職與權將百設秋香亭上  
共爲賓却作主人殊少悅徂東走北十五年只有山川看  
不別

酬贛守二首

陽孝本

六槐何日起商巖未許蟠龍卧碧潭天下蒼生還有待郡



中善政卻無慙錦囊珠玉成唾咳綺席風雲出笑談千載  
通天蒙品藻恐教虛譽滿江南

家世中條舊素貧塵編堆積漫繽紛未甘末俗成虛老卻  
笑勞生漫逐羣惟愛嚴陵灘上月還思巢父嶺頭雲問闔  
莫怪衙門陋旌節從來有使君

汝陽菴中懷行先

蒲宗孟

幽懷暮岑寂結菴在中林綠竹君子操清池故人心明月  
弄寒影好風搖翠陰江南千里遠何處盍朋簪

送王巖歸鄉

收書萬卷日沉酣鮑謝篇章老更耽不雜紅塵來海上却  
隨明月入江南家無四壁堪投足郡有千山可結菴遙想

贛州府志

卷三九

宋詩

十六

贛溪風雨夜與誰揮麈共清談

贛上食蓮有感

黃庭堅

蓮實大如指分甘念母慈共房頭齷齪更深兄弟思實中  
有么荷拳如小兒手令我憶衆雛迎門索梨棗蓮心政自  
苦食苦何能甘甘殮恐腊毒素食則懷慚蓮生淤泥中不  
與泥同調食蓮誰不甘知味良獨少吾家雙井塘十里秋  
風香安得同裘子歸製芙蓉裳

送虔州楚大夫

楊時

象緯辰心次雄都水濁時經天浮瑞彩絕代出英姿厚德  
千金璧虛懷萬頃陂霜蹄來漢苑雲翮上天池藉藉才猷  
美皇皇使節馳飛書騰衆吻橫竅真通達剖竹章流遠還



車蜀道噫

除成都憲以臺章罷得度守

秦庭徒被指趙璧本無疵黃霸初勤

績裴公可範規惠流三郡俗名掩四賢祠大厦資梁棟承  
桃賴鼎彝會須紆袞繡寧久駐旌麾畫舸行空挽甘棠去  
益思烟波迎棹急江柳拂檣低賤士行藏拙叅軍秩序卑  
生涯為蠹簡事業付毛錐懶惰文園病伶仃曼倩饑自甘  
同跛鼈不忍舍靈龜朽質難雕繪餘生辱品題寒芳回暖  
律陰壑得晴曦終愧麈頭賤難酬國士知兩行淵客淚感  
激自沾頤

寄茶與會吉甫

劉子翬

西焙春風一塍隔玉尺銀槽分細色解苞難辯邑中黔淪  
盞方知天下白岸中小吸橫碧齋真味從底傾輸來曩歸

贛州府志

卷三九

宋詩

十七

畀予一妙語三歲暗室驚轟雷

讀曾吉甫橫碧齋詩

攜鉏引荒泉偶步松岡北冷然毛骨清楚尾見秋色稻氣  
馥初涼裡陰淡微日緬懷小齋居櫺檻增岑寂曠度滅知  
聞微吟數峰碧若人端好修軫駕動無跡深窮伊水源峻  
陟衡山極終焉憇孔林所樂惟自得延和數酌醪侑靜一  
編易向來辱傾輸洞見胸中白思親道匪侔既遠情不憚  
矧余質真頑固未易刻畫尊生有遐心克已無全力以茲  
畏所知負疚常夕惕餘波倘時漸玉汝天其克

寄崆峒山中道士

會幾

昨夜新霜重念此山中客落葉聚堆床暗蟲吟敗壁沈寥



天宇肅疎林風瑟瑟曳杖挂詩瓢悠然適所適息心歸冥  
漠山深萬籟寂散髮排天閭唵叱鞭龍脊何時共採藥相  
與對晨夕月夜拉洪崖嘯咏鏗金石

次韻會吉父見簡

韓駒

往歲滄波轉地流是身如沫信沉浮初聞盜賊奔他境漸  
見衣冠集此州病欲深耕歸谷口禪須末句問岩頭磨門  
也自知人喜有客清真似子不

送張匠監忠恕以秘閣知贛州

魏了翁

西南間氣忠獻公一生心事未與通才高志廣無處着獨  
倚衡門望京洛九州風露方漫漫養回殘夢歸餘干惟將  
一念遺孫子長與世間立人紀宣公端明今在無我生不

贛州府志

卷三九

宋詩

十八

識慚非夫寧知中歲過行甫歷歷典型猶祖父試從微處  
覘經綸中邊玉潔無纖塵大河滔滔恣羣飲逡巡獨惜障  
泥錦曉庭戒伏暗無聲掣纓振鬣時時鳴京師邸吏自相  
語張公立朝我良苦不知書疏何所言每一論奏人爭傳  
好名之人能遜國而於豆羹見詞色反復耐看不可瑕此  
事無素能然邪我從同朝一千日見公造次皆是物寄聲  
爲賀贛州民朝廷爲汝輟諍臣却須更問蕭太傅中朝外  
郡誰當慮

虔州送知府石舜弼吏部

廖剛

竭來臨撫未朞年五袴謹謠已藹然公道直堪平贛石清  
風那用挹廉泉飛帆便恐迷三島緩轡聊須選一錢最有



後車河上客夢隨旌旆作神仙

赴贛過皂口

楊萬里

贛石三百里春流十八灘路從青壁絕舡到半江寒不是  
春光好誰供客子看猶須一樽綠併遣百憂寬

步過分水嶺

路險勞人役儂湏下轎行石從何代落巖傍舊根生古樹  
無今態幽泉有暗聲只言章貢近猶自兩三程

送劉子和教授赴贛州

周必大

藉甚詩書帥中和正爾歌人留河內寇帝念禁中頗餘事  
褒丁志多聞重乙科因無官長罵解使客羶多

寄題梅川草堂

朱熹

贛州府志

卷三九

宋詩

十九

滄波流不極上有一畝園幽人掩關卧脩竹何娟娟虛堂  
面羣峰秀色摩青天靜有山水樂而無車馬喧人言市門  
子徃徃蒼崖巔揮手謝世人日中翔紫烟遺跡尚可覲神  
交邈無緣慨然一咏嘆曜靈忽西遷褰裳下中沚濯足娛  
清川

送贛州守施司諫奉祠歸吳興

羅願

去國二千里叱馭良已勤到官一百日啜菽念所欣使君  
豈常流早歲承華勛螭首有故步天香帶餘熏時清省諫  
紙符竹亦再分屬者寇雖除遺民尚驚麋公來鈐江右喜  
氣感三軍下擔見施設果蘇凋瘵羣天姿夙已高况復勇  
所聞屬縣但期約訟庭無放紛村圃不識吏處處飽羹芹



生女戒勿怒減輸勸其耘惠術頗次第歸心已鄉粉小子  
謬從師頗嘗侍朝曛從容進逢掖慘澹立紅裙中坐要娛  
客所陳金石文行裝遂如此何以充棟斲人事與天意嗟  
予豈須云來攜諫坡雨去開崆山雲多公能摧剛聖處已  
策勲行藏吾有命所願不忘君

送辛殿撰自江西提刑移京西漕

峩峩鬱孤臺下有十萬家喧呼隘城闕戀此明使車憶公  
初來時狂狡嘯以譁主將失節度玉音爲咨嗟一朝出名  
卽繡衣對高牙持斧自天下荒山走茅又光騰將星魄枉  
矢失驚蛇氛霧果盡廓十州再桑麻思令撰中秘天筆有  
褒嘉辛氏世多賢一姓古所誇太史善箴闕伊川知辭華

贛州府志

卷三九

宋詩

二十

誰歟立軍門杖節來要遮亦有救折檻叩頭當殿衙英風  
雜文武公獨可肩差佩玦善斷割揮毫絕紛葩時時有縱  
舍惠利亦已遐京西故畿甸旁塞聞悲笳明時資餽餽豈  
減漢褒斜勿云易使耳重地控荆巴三節萃一握眷心良  
有加古來居此人愛國肯雄誇羊祜保至信陶公戒其奢  
安邊有成畧此道未全賒公今有才氣功名安可涯願低  
湖海豪磨礮益無瑕凌烟果何晚猶有髮如鴉

寄章貢姚別駕

劉辰翁

贛江當日血成川誰肯身馳不測淵尺檄約降諸峒靜單  
車擒叛一城全帶刀俗染維新化橫槊詩刊第幾篇想與  
元龍談世事亦憐疎拙老林泉



寄姚使君

處在西江尤鉅麗極知君相選侯難昔多法從懷州紱今  
少詩人上將壇歛戍官兵申拆洗放衙喚峒報平安衰顏  
欲納轅門謁却怕崆峒臘雪寒

送黃教授日巖之官章貢

戴復古

久矣聞名不相識江湖還有見君時出人意表發高論入  
我眼中多好詩欲對春風開笑口不堪世事上愁眉憑誰  
寄語謝安石莫為蒼生起太遲

時召崔丞  
相不出

贛州呈雪蓬姚使君

白旗走報山前事昨日官軍破綠林千里人煙皆按堵一  
春農事最關心不知郊外雨多少試探田間水淺深翠玉

贛州府志

卷三九

宋詩

二十一

樓中無限好可無間暇一登臨

張端義謫曲江贛州相遇

憂世心何切謀身計甚疎樽前話不盡天下事何如漢武  
求賢詔賈生流涕書龍顏那可犯謫向曲江居  
正朝送遷客好去看梅花此嶺幾人過念君雙鬢華直言  
知為國遠地莫思家韶石叫虞舜傷哉古道賒

遣書問訊李敷文

憶作南州客歸來東海濱尚懷憂世志忍說在家貧老作  
山林計夢隨車馬塵鬱孤臺上月無復照詩人

柴秘書分符章貢同舍餞別用蔡君謨世間萬事皆  
塵土留取功名久遠看之句分韻賦詩得世字



崔與之

玉立蓬山巔聲望高一世清秋玉壺露耿耿無纖翳中流  
屹砥柱愈激而愈厲平生學古胸非爲資身計中邊事萬  
殷命脉實關繫憂世危明主誰流洛陽涕直諫逆批麟言  
言皆獻替胡爲厭承明退飛勇且銳有山鬱而孤雄踞虎  
頭勢民貧困科擾推剝已無藝猥獠叢篁中跳梁無虛歲  
弄印無以易要起百年弊西風吹馬耳新涼雨初霽天札  
聞先聲遠氓已懷惠旌旗簇小隊畫戟森兵衛一方覆盂  
安中原誰共濟顧我亦漫仕空山老松桂勸海作歸夢乞  
身尚濡滯着鞭公已先脂抹以相繼

玉巖有感

黃師參

贛州府志

卷三九

宋詩

二十二

游山苦無侶獨行亦自佳不羨籃輿穩軟草共蒲鞋小僧  
倚門問客從何處來長嘯不復答露坐面山隈徃謁玉巖  
翁縞衣絕纖埃祠宮蔽風雨碑碣荒莓苔四山壯幽間百  
感櫻我懷先生竟何之山猿朝夕哀出處非有意於道相  
縈迴翁看嶺表人白骨漫成堆所見明且哲屢表乞歸骸  
竚立三太息歸思落日催

同戴石屏十人重遊分韻得鑿字

會原一

綫逕盤遶回老壁出參錯洞深路欲無且進還悻悻太虛  
墮滓液有此竒偉作芮也勞斧斤此語失之鑿闔崖濕生  
雲泉雜雲影落殿頭何時仙怡然騎木鶴

辛亥九日被檄視滂遂爽同官飲菊之約夜宿荒驛



風雨達曙

戴昂

孤負重陽約愁懷不肯寬郵亭一夜雨客枕五更寒脚從  
從渠老心低到處安獨行誰可語時把古詩看

送柴中行出守章貢

危逢吉

力爲君王乞得州補天未了石還收人才自繫國輕重吾  
道亦行無去留殿角纔辭槐影日船頭便轉荻花秋競誇  
祖帳東門外誰識行車卒未休

題趙尚賓新齋

卜築雙江上間心閱歲華興來耽翰墨老至愛煙霞夜月  
山城笛春風草閣花一編同咏罷款款話桑麻

進齋先生識玉巖入京記

趙希鄂

贛州府志

卷三九

朱詩

十三

玉巖先生大觀丁亥六月應八行舉入京師授登  
仕郎試國子錄是時同舉者三人福州李鄂彥忠  
蔡寘建勳與先生三人李授國子錄蔡授西京國  
子監博士時黎大夫旬有詩慶玉巖云

高賢應詔起商巖朝野紛紛作美談臺閣寵新君正喜林  
泉歸晚我猶慙郡中士行常稱一天下人才缺欠三好爲  
明時攄素蘊從來鄉相在江南

題玉巖事編後

朝市紅塵未可遊東書即日隱林邱生前富貴片雲去死  
後聲名千古留遺翰已編能事畢吟詩未就此心愁爲君  
持受宜珍重還待名公一校讐



贛州再贈桂巖楊相士

文天祥

此別重逢又幾時  
贈君此是第三詩  
衆人皆醉從教酒  
獨我無爭且看茶  
凡事誰能隨物競  
此心只要有天知  
自知自有天知得  
切莫逢人說項斯

送曹倅巖山官滿歸里

春陵光霽落蒼苔  
葛水神仙立翠槐  
萬里雲霞騏驥路  
三年風月鳳凰臺  
興同老子復不淺  
歌曰先生歸去來  
庾嶺梅花開漸遍  
一枝就與寄蓬萊

和曹巖山賦別二首

翠松三萬頃  
松雪著神仙  
院柳催金鑰  
江花送玉鞭  
曉巖雲壁立  
晚棹浪規圓  
未了醉翁事  
重尋潁上田

贛州府志

卷三九 宋詩

十四

當年童子見今見  
二毛翁海月三秋別  
江雲一日同鷗心  
馳舍北龍尾曳天東  
定有延和奏南來寄一通

黃金市

閉蓬絕粒始南州  
我過青山欲首邱  
巡遠應無兒女態  
夷齊肯作稻糧謀  
人間早見黃金市  
天上猶遲白玉樓  
先子神遊今二紀  
夢中揮淚濺松楸

翠玉樓晚雨

晚樓一曲轉梅花  
官事無多報放衙  
林木蔽虧烟斷續  
江流曲折雨橫斜  
年華冉冉風前影  
歲暮悠悠客裏家  
一雁近從沙嘴落  
更饒片雪入天涯

翠玉樓觀雪



矯矯臨清泚濛濛認翠微  
綈春生客袖鐵冷上戎衣  
柳眼驚何老梅花覺半肥  
新來有公事白戰破重圍  
元

題歐陽龍南所藏雙龍圖

揭傒斯

七十待罪奎章閣羣玉府中光  
璫錯就中董元出蟄圖萬  
物如覩聖人作天昏地黑雷  
雨垂魚蝦盡逐神龍飛飛流  
上天洒天風絕壑似與天河  
通山開石裂電火紅萬木顛  
倒助豪雄先皇一覽驚且愛  
高懸長與御榻對真龍已入  
白雲鄉空有畫圖今尚在何  
處飛來兩神物開卷淒然滿  
頭雪

題歐陽龍南所藏羅雉川秋江晚景

贛州府志

卷三九

元詩

二十五

弱齡習邨疇隨景慕追游散策步  
隆阜揮袂陟高邱仰送  
微霄翮俯鏡清川流攀條賞韶穠  
折穎弄芳柔湘南擬詞  
賦江左狎吟鷗不識年歲邁詎貽  
軒冕羞一從黜仕版羣  
憂積岑樓朝隨車馬塵暮與形影  
儔雖荷明主知百志靡  
一酬懷祿已云忝抗迹豈末由流  
電三十載回腸幾萬周  
朱顏日去面皤髮日滿頭君子委  
縑素丹青含嶺秋寒蘆  
被枉渚橫靄澹長洲草樹一搖落  
鳧鴈各飛浮亂石夕流  
駛空郊朝景收庶類趨晏暮孤生  
增隱憂覽物因有觸流  
詠慨前修

送龍南歐陽縣尹

黃潛

絲綸閣下半同袍獨上南船去  
莫招出宰不嫌官俸薄過



家未覺驛程遙長溪白石晴雷轉深洞黃茅毒霧消想見  
行春有佳句坐令遠俗變風謠

張尚瑗曰歐陽尹名朝萬載人遊夏果齋門歷通山  
龍南二縣尹以文章名世學者以事果齋禮事之此  
得之袁州府志而揭文安黃文獻皆與唱酬遊好則  
其人可知矣龍南志不入名宦傳非其政蹟無稱乃  
載筆者之闕也附著於此

送郡博林雙梧赴虔州時以作縣改官

虞集

酌酒送君暑雨中客蹤何事逐飄蓬風波世上真難料  
琴瑟人間若最工來去有期憐社燕翻飛無意愧真鴻  
故園  
贛州府志

卷三九

元詩

二十六

咫尺隔萬里安得行吟時杖節

送董慎齋左丞討賊

元明善

負劍先驅意氣閑也勝跼蹐著儒冠古來每勝從軍樂此  
處不辭行路難使節再臨民志定兵烽一舉賊心寒書生  
効力奮馳逐要寫功名久遠看

章貢道中

薩都刺

多情明月落船傍萬里孤城望帝鄉客裏已無金馬詔篋  
中猶有賜衣香嶺南地濕家山暮天上風微殿閣涼憶得  
當年會夜直玉龍銀箭漏聲長

送連子奇歸隱贛州

貢師泰

薊門風冷白鷺來萬里孤舟一日開去路定過彭澤縣到



家重上鬱孤臺煮茶林下收黃葉理釣磯邊掃綠苔太史  
明朝占處士少微依舊傍三台

贈友人之章貢

劉永之

秋雨正冥冥秋風何浙浙酌酒送行人憂思坐填積黃鵠  
不可馴飛蓬易相失幾日對崆峒滄州渺何極

和答銓弟

郭鈺

別來兩見春日滿愁思誰云春夜短十八灘頭鳴棹歌吳  
姬勸酒銀瓶暖中江開帆先到家意濃不計歸程賒但云  
老兄久埋沒詩句何得隨飛槎諸公傳誦無新舊相憐自  
是平生友事業青雲如鼠肝文章白髮羞牛後長年凍餓  
茫無涯不敢仰天生怨嗟先生歸去且種菊詞客愁來空

贛州府志

卷三九

元詩

二十七

饅瓜

感遇

周霆震

病髮梳頻減愁根日夜深世方迷貨色天未厭風塵臣分  
誰憂國君心本愛民歲寒餘勁草洒血贛江濱

七哀詩

伯顏

我友我友兮全公海公愛我愛我兮人誰與同惟公高節  
兮寰宇其空百戰一死兮偉哉英雄嗚呼我公兮斯酒斯  
酌我魂我魂兮惟公是托

贈蕭克有赴興國稅務

劉詵

小駐青雲九萬程塗商里販樂寬平古來關市多賢哲盛  
世舟車少算征雨漲玉虹灘石減春深金鯽郡池清看山



攜酒吾曹事定有新詩許共評

贈胡履平偕克有之興國

主賓二美古稱難笑語輕舟十八灘幕有仁言官政善士  
從知己旅懷寬文章不肯時科試山水元須勝士看想見  
鬱孤吟賞舊渚煙汀樹滿毫端

丞相都督信國文公

劉壘

時平輒棄置事迫甘前驅嗚呼忠義臣匪直科目儒江寒  
朔吹急列城同一趨豈不願便安綱常乃當扶移檄倡諸  
鎮奮袂躬援枹川決莫我回萬險樓海隅天乎復不濟道  
窮竟成俘一死事乃了吾頭任模糊悠悠譏好名責人無  
已夫三衢有魁相投老作尚書

贛州府志

卷三九

元詩

二十八

明

使贛諭熊天瑞

汪廣洋

舟行到贛數千里江聲瀉碧山綢繆將崩未崩斷岸出欲  
雨不雨晴雲浮謝公自足平生願司馬真誠汗漫遊明日  
旬宣應應有有鬱孤臺上望南州

題瑞菊詩卷後并叙

密理沙元之故帥也嘗仕於吳種菊數百本詩友  
作詩稱其美余亦綴書卷末後兵革四起奔走南  
北聲問無聞焉甲辰冬余承王命開諭贛州乙巳  
春守臣熊天瑞附順入城召父老故官宣以上旨  
有龐眉皓首年幾八十者立於衆中叩其從來乃



知爲密理公亦不記余爲誰何訪故篋得詩文一  
軸悵然追思已二十年矣卷中詩文名字炳然手  
蹟如故但不知存者今幾人臨風拜觀涕泗交集  
遂賦此以紀歲月云

我對青山倦着鞭君垂白髮賦歸田偶來把臂三千里却  
憶題詩二十年零落親朋逢亂日蕭條松菊委荒煙臨風  
展玩長揮淚漫想當時思惘然

贛上

贛江流出萬山溪雲霧蒸蒸動鼓鼙沙暖迥無鴻鴈到山  
青偏有鷓鴣啼霜餘榕葉凋何晚雪裏梅花綻已齊氣候  
固殊聲教遠會詢蠻獠及雕題

贛州府志

卷三九

明詩

二十九

送呂君采使北平

李克正

三月烏啼海子橋南來使客下青霄雲埋石室丹書在月  
落延秋翠輦遙麟史未全歸聖代龜文猶得認前朝詞臣  
載筆需文獻莫遣回音久寂寥

周伯寧春晴江岫圖爲呂仲善題

蘓伯衡

尚書襟懷絕瀟洒揮毫徃復凌董馬平生一筆頗自珍數  
尺新圖爲君寫齊山遙接吳山青碧波萬頃孤帆征東風  
綠遍汀洲草總是岐亭離別情一向江南一江北離情浩  
蕩嗟何極正如江上之碧波縱有并刀那剪得當時已足  
令心愁如今况復隔羅浮掩圖却入高臺望但見遠海連  
天流暮歸朝出誰與侶蜃霧蠻煙結悽楚木棉花落鸚鵡



飛苦竹叢深鷓鴣語

再懷伯兄子中時有同客與國者從間道先歸兄以

道阻後期不果

劉崧

貧賤輕離別艱危昧死生獨違同里伴仍阻異鄉程愛想  
深山憇愁聞間道行幾時秋樹下憇此淚縱橫

送吳明理歸贛州寓舍

江上芙蓉作錦紅飄飄歸棹趁西風亂山出在波濤外石  
室猶迷烟霧中四海交遊春夢遠十年流落壯心雄迴思  
昨日登臨處樽酒寒花孰與同

題平川雪霽圖爲張用可縣丞賦

南天北風暗吹雪川上遙風互明滅雲陰欲墜曉光迷河

贛州府志

卷三九

明詩

三十

流不動層冰結魚龍下蟄深澤冷鴻鵠啼饑眼流血千村  
萬落連蒼茫驚沙枯樹相淒切行人稍出皺手足悵望林  
居總愁絕我家邈在武山東屋前石岸多青楓野橋渡溪  
沙路遠皆與此圖風景同窮年念此政欲返寒色恍入虛  
庭中長鏡劖藥崖谷滑短褐負薪環堵空閉門且爾暫投  
息會見日出光曈曈

題山水圖贈興國高多營將黃進賢

遠山亭亭削蒼玉近山盤盤出平麓林生作此最奇絕白  
日高堂坐空谷谷中出雲雲上天深林曲澗迴清妍綠蘿  
初掛紫巖雨碧樹盡含秋浦煙北屯將軍舊知己看畫尋  
幽心獨喜爲卷牕開一片雲送君更渡藍陂水藍陂山前



霜葉黃亂峰刺天如劍鋌何當盡掃豺虎穴與子巢雲歌  
鳳凰

出長逕藍陂

行人三五渡回溪亂後人家井竈迷蒼耳黃蒿無路入斷  
垣細雨鶉鳩啼

寄題會昌陳氏近村小隱

潁川太邱賢子孫卜宅湘川還近村斜日數尖山入座清  
風幾箇竹當門載酒每聞佳客至卷書時共野人言若爲  
攬袂去城郭遠訪桃花流水源

秋夕懷一兄及四舍弟時俱客興國縣山川修阻音  
問邈然

贛州府志

卷三九

明詩

三十一

豈謂無家別三人各遠方已嗟甘旨薄翻覺道途長激水  
風湍白瑤岡霧樹蒼書來定早晚莫遣鴈相將  
好在程溪上月高愁掩扉也應念行客獨此對清輝細草  
露初白高河雲正稀庭前紫荆樹歸夢故依依

陪陳尹飲江上雨過夜歸明月賦此

渡江雲斷橋把酒風振袂芳園逐幽尋良友適遠至諧談  
且云懽酬勸忽已醉一雨洗塵襟千山拂涼翠柘林既迴  
薄蘭渚復延企月轉城東門蕭蕭送歸騎

方邱生自號蒲衣道者由安城武功山避亂贛之興  
國邑令陳文彬爲築長春道院以居之

會騎黃鶴下青山又憇長春候紫闕漱水月明花官官武



功雲散草斑斑偶攜竹杖尋仙去聞着蒲衣採藥還翠壁  
丹書如可訪石門鐵鑊定高攀

留別方邱生

道人手抱玉芙蓉身着蒲衣瘦似松錦水市中行賣藥金  
鷄嶺下坐聞鐘養來乳犬能馴虎放得神魚解化龍塵土  
滿懷還惜別何年笙鶴定相從

贈別鍾舉善遊贛遂之汀州

蜀桐吳絲噴雙竹四座佳人美如玉鍾卽半醉起就別杯  
行苦遲聲轉促高堂列筵當翠微惜別更舞青蘿衣雲光  
霞色酒中墮風觸歌塵梁上飛君行贛灘十八重臨行挈  
以登崆峒萬山如浪壓城郭鬱孤正瞰江流東兩峰盤盤

贛州府志

卷三九

明詩

三十二

石爭長東江入閩西入廣鹽花雪白荔子丹天上船來海  
風響君家娟娟好弟兄况有詞翰齊清名出門相送一爲  
別感我無限幽居情山中香秫秋熟時苦無蕨筍池魚肥  
我在南溪小樓上調歌醖酒待君歸

賦得水作玉虹流送子啓之贛

贛江不可極雙注碧雲中出峽幾千丈青天垂玉虹繫船  
沙磧雨挂席石潭風八月尋源去相思秋樹紅

出社下嶺望九洲流波稻田可愛

渡嶺望平田人家隱翠煙村墟自鷄犬風物似神仙晚樹  
依沙立秋秔帶水眠幾時驅兩犢投迹此安廛

送羅尚德之贛州



此日垂楊樹維舟惜遠行水生羊角渡春盡虎頭城學律  
寧無術飛書早有聲十年趨幕府憔悴媿高情

竹橋夜泊

劉貴一

維舟夜泊竹橋西隔岸人家柳映扉回首不知何處去夜  
深都逐釣船歸

將出都門和潘王見懷韻

平臺跋履憶當年榆莢楊花四月天授簡每慚枚叔賦耽  
詩獨寄楚王賢寒嘶匹馬春城外晴落孤鴻魏闕前南去  
虔州千萬里蘇門章水各風煙

送郭季正御史奉使兩粵便道歸景葵堂

張輔

贛州府志

卷三九

明詩

三十三

金鈴繡幄羅襟裾東風紫陌飛香輿愛花爭來賞金谷蕭  
然往事成空虛繡衣矯矯人中傑愛花亦與常人別昨朝  
奉命南州還道經故里曾清閱花開灼灼傾太陽連梅潛  
菊難同芳離然直幹高逾丈翠裾丹節何昂藏仰企先人  
手澤新見花爲念君與親揭來華扁耀人目要與四海同  
回春花雖有心終向日孝子思親徒罔極天顏有喜在諮  
詢悃悞不改真顏色君不見姚黃魏紫富貴家食君之祿  
徒繁華何當盡種葵千圃遍使忠勲出烏府

題呂仲善所藏汪水雲草蟲卷子

陳謨

卷中百蟲各極情態而終以大小數鴈豈所謂江  
南破百鴈來乎水雲寓黍離之感於畫圖觀者淒



斷

瑤琴理罷松風長嬾上湖船看歌舞行雲流水有心期野  
草間花各幽趣紛紛蟲羽恣飛揚散入毫端無遜處尋香  
逐艷何從來含睇凝情如欲語黃荃崔白稱好手研吮朱  
鉛眩童豎不肥不瘦潤有餘墨暈生春獨清楚春蘭倚然  
如處女短不出叢香媚嫵夏芷仙人白紵袍長身玉立風  
生宇何當石根容我步烏紗筇杖從容賦漆園蒙莊知道  
者夢裏化爲蝴蝶去蘧蘧栩栩情態多什什伍伍花間住  
顛魂無定亦無歸粉翅織文細如許象房守宮半夜走玉  
帳佳人成白首絡緯蕭條蟋蟀寒山河已落他人手籬根  
冉冉牽牛花瓜蔓藤枝亦何有西湖清淺綠荷彫畫橋依  
約春風柳海潮不至天目傾七寶金鞭從北狩雙雙翔鴈  
俱南翔莓苔菰米連瀟湘飛鳴宿食各自得豈有媿繳仍  
須防道人蒿目難為傷銅仙淚盡天亦荒琴歌既斷賦無  
續畫圖彷彿存興亡平川呂氏好古者不鄙謂予題此畫  
忽憶秦皇漢武年萬事輪雲如走馬

崆峒雲居爲曾巽卿賦

雲居崆峒下野鶴鷄羣中墮甌前境忘棄瓢煩慮空蒼狗  
任時態白衣謝塵容卷幔度冉冉開鏡浮溶溶陰榻清媚  
夏晴扉粲娛冬畝耕足歲年林臥窺鴻濛少日忽復遠聚  
沙想羣童杖策笑安期出門交蒯通晚悟要爲達朝華那  
可宗嘗恨史家流老韓將無同如何曹相國堂上留蓋公



和友人韻

霜林紅葉有妍華出郭幽尋興自賒蒼耳草深非故道牽  
牛花好是誰家鷄羣野鶴嵇中散鵬背天風蔡少霞邂逅  
平川同逆旅時時踏屐響晴沙  
劉郎清賞何乃違休日復自高柴扉橋邊無人禮黃石天  
上有星尊少微薜荔暗侵楊子宅鷓鴣長占少陵磯日斜  
桐葉題詩罷頭戴寒鴉緩緩飛

章貢聞柝

呂復

翠玉樓前聞擊柝離情應向此中分遙知孤枕金陵夜還  
憶今宵月下聞

春日送友人入虔州

羅賓王

贛州府志

卷三九

明詩

三三

旅鴈歸不盡春風朝又過東郊一以別青蕩更如何客舍  
吹榆火征衣換越羅關河莫回首楊柳暮煙多

送張鳴玉贛州知府

楊士奇

北闕捧恩榮西江戒驛程悠悠驅五馬冉冉度雙旌政得  
虔人愛心知贛水清崆峒千丈碧應勒使君名

送御史郭季正監兩粵交趾軍便道還雩

宮錦繡為衣青驄白馬蹏官遷五嶺外路出大江西草堂  
舊在雩陽郭便道還家意偏樂水色山光瀉向入紫萸黃  
菊嗟非昨手持憲節重肅肅念王程聲馳白簡飛霜厲氣  
壓黃茆瘴霧清只今瘡痍極邊土宵旰憂勤荷明主未須  
搏擊策殊勲好畫綏懷副當宁



同邑令邵子鏡祈雨

南村北村煙接煙東臯西臯田復田一犁兩犁夜來雨二月三月春深天倉庚飛來樹上鳴黃犢歸去花間眠但願天公雨復雨大庇天下皆豐年

送方司訓之贛州

李東陽

度嶺沿溪十日程半生心事此功名從今不作思鄉夢月調風絃夜夜聲

禽言

邱濬

行不得也哥哥十八灘頭亂石多東去入閩南入廣溪流湍駛嶺嵯峨行不得也哥哥

金兵追宋隆祐后至章貢幾及宋人詞曰天晚正愁予春山啼鷓鴣蓋言行不得也

贛州府志 卷三九 明詩 三十六

信豐章貢名邑予素知其民情土俗之美子往治

之政與學當不可以偏廢也意見乎詩

家

在嶺南官嶺北未應風氣頓然殊民淳為政聊因俗事

簡得間宜讀書當路不須栽枳棘誠心端可化豚魚老子

早晚南歸去側耳梅邊聽美譽

送郭時會還贛

董越

迢迢贛江北雲泉古名鄉畬田亘阡陌民業惟耕桑巨石障急流嘉樹連崇岡筌蹄足鮮食採掇供薦嘗四郊樂間暇鼓腹歌虞唐所以百餘年罕用賓於王時維屬冬暮雨雪方其雩有客忽過門肅容整冠裳問之誰氏子為言汾陽良富吾所居門亦通舟航先人重交際君子時登堂



平生友義心間亦存篇章獨此身後名庶發幽潛光懷中  
出短簡涕泗紛淋浪志欲托一言樹之墓道傍我聞重嘆  
息欲答會未遑忽有詩筒來讀之聲琅琅始知少年志亦  
欲登詞場多事逼衰餘此意深渺茫茲遊豈云浪志願俱  
已償人各重所生為性因天良願君慎終始化俗歸淳龐  
罔俾謂贛人居然足稻粱

送羅通判赴贛

新乘別駕古虔州一望先將勝槩收山繞玉虹流作帶沙  
分圭角壅成洲孤臺愛李增華扁八境勞蘇憶壯遊獨有  
春陵遺蹟泯憑君相約一搜求

送楊上舍還桃江

贛州府志

卷三九

明詩

三十七

廿載寒檠共夜窓清才會見重鄉邦南山霧雨文初露北  
海風雲志未降子佩青青辭璧水僊舟冉冉望桃江填門  
賀客何勞謝酒熟牀頭正滿缸

送王敬之舉人還贛

君不見見崆峒山老樹擎雲根鐵蟠風聲震撼出林杪六月  
髣髴驚濤寒又不見章貢水波濤鱗鱗石齒齒激射奔流  
不甞停一日輕舟忽千里水生以漸理有常混混源泉自  
濫觴拱把栽培始尋丈盈科百折斯汪洋魚龍變化須春  
暖梁棟原來生峻坂有額從教點去頻大材自是成來晚  
南風初薰柳初綠壚頭競喚新筍熟黃鸝隔樹春聲嬌瘦  
馬官途四蹄蹴送君遠出東門道久出歸心忽如擣萬里



松楸夢裡逢數莖白髮塵中老君車我莫挽我酒君莫辭  
羊腸歷盡始平地人生出處皆如斯鴻毛順風一颿駛梗  
楠橫絕江之涘斲削何憂少梓人懽呼且得閑舟子看君  
重來亦如此

送劉上舍歸興國

碧梧脩竹秀娟娟共說名家有後賢壁水且聆揚子鐸雲  
衢還着祖生鞭離亭木落秋風後古道楊垂夕照邊歸拜  
爾翁應念我為言雙鬢欲皤然

壬戌九月八信豐十五夜月色如晝詩示行實時同

舟也

鍾 璣

秋山未老尚青青秋氣蕭森夜氣冥千里好風行不盡一

贛州府志

卷三九

明詩

三十八

船明月睡初醒水中星動天疑墜  
江潭龍吟劍是靈自信  
江湖甘白首詩成誦與阿咸聽

還贛

王守仁

積雨零都道山途喜乍晴溪流連渡馬岡樹隱前旌野屋  
多移竈窮苗尚阻兵迎趨勤父老無補媿巡行

茶寮紀事

萬壑風泉秋正哀四山雲霧晚初開不因王事兼程入安  
得間行向此來登陟未妨安石興縱擒徒羨孔明才乞身  
已擬旋師日歸掃溪邊舊釣臺

平峯回軍

處處山田盡入峯可憐黎庶半無家興師正謂民殘甚涉



明嘉靖間粵寇長驅至邑大掠江東制臺陸公微  
獻可佐叅帥蔡水南討平之

天子宵衣未肯收中丞伏鉞到炎州數莖綠髮綠誰白總  
爲東南赤子憂

五嶺風煙鬱不開劃然雷雨一時曾觸髓血染吳鈞遍知  
是姚平殺賊來

大將旌旗映日紅旄頭夜落海天東風傳鼓角村村靜雨  
潤桑麻處處同

答謝贛州汪周潭督府

湛若水

晨興縱遙睇雲起南山臺悠然生遠心春風啟予懷井地  
久荒蕪老屋風易摧王孫春草生佳人猶未來情萌事自  
贛州府志

卷三九 明詩

四十

至神徃形亦類故人遠念我寄聲相取裁舉手謝德意行  
駕未可迴

送孫贛州

蔡羽

太守除書下鳳樓官船六月到江頭匡廬樹色渾無暑章  
貢雲衙欲近秋良牧正湏宣德化封疆猶自伏邊籌虔州  
見說田疇美從此黎民不佩牛

送范中丞堯卿鎮贛州

謝榛

九月虔州去天南宿霧開揚帆生遠思秉鉞見雄才地轉  
三吳盡山連百粵迴夜深瞻北斗獨上鬱孤臺

雙江次汪抑之韻

夏言

海內奇人物君家好弟兄卜居依勝地愛客見高情城外



青山並溪邊春水生論文忽惆悵時事又談兵

贈陳虞山中丞之南贛

嚴嵩

清獻祠前秋水清鬱孤臺上暮雲平江關粵嶠開新府  
勅兵符借老成正以冰霜論節操須知魚鳥避威名  
天南舊路君應識惟喜梅花管送迎

贈張贛州致仕還吳

唐順之

田園舊在海東頭海上新歸張翰舟種菊不辭三徑晚  
採蓴將及五湖秋人情歷盡惟看奕世事忘來獨好樓  
騰有著書心尚在知君原不為窮愁

夜與胡莊溪叙故有感

羅洪先

壯年道遠訪相思千里征鴻未可羈偶與舊遊談往事  
不贛州府志

卷三九

明詩

四十一

知今夕是何時境如昨夢醒來失詩向誰家醉處竒蓬  
鬢蕭蕭吾已老只餘初服得心期

贈蕭珏

海瑞

會向石蓮覓靜機雲根結社自希夷鏗然不盡春風味  
一曲高山遇子期

曉入龍南

林大輅

不寐將行李輜車生早寒曙風吹旅服清夜度雲巒天  
遠繁星動沙平湛露乾客心無着處端欲謝南冠

過劉諫議故宅

蕭廩

諫議故居綿水邊雙忠一去幾經年斥奸霜簡朝鳴鳳  
憤敵軍書夜聽鶻山水有祠風蕭蕭宅園無主草芊芊  
我來



惆悵斜陽裏幾處猿啼暮雨天

虔南津口得黃郡公扇頭明月篇却謝 湯顯祖

風物想南都波濤向東粵晨登鬱孤臺蒼茫度城闕  
寒帷自遵渚幽芳坐林樾忽枉人吏來新編贈明月徘徊青桂  
枝婉孌銀蟾窟凌寒秋水晚入夜河影沒東升流清光南  
溟照窮髮佳氣有迴合輕綃時彷彿感君卿月姿悠悠眷  
清質紈扇豈終掩嬋娟恒自出還以海中珠來投漢川橘  
章門送劉冲倩之虔臺

千秋駿骨重王孫碧馬談文四海論忽忽郡齋留一笑雲  
門春色在章門

送君南浦恨如何春草綿綿春綠波更說黃家兄弟好鬱

贛州府志

卷三九

明詩

四十二

孤臺下夢常多

送黃九洛歸虔

遊子江南春草齊秣陵行色遠萋萋臨流一道章門柳長  
逐相思到水西

西山鸞鶴起晴煙南浦驚逢上瀨船怪得異香常入夢君  
家九十九峯前

贈謝別駕

郭子章

政成羨爾返初衣所志由來在義肥心事難將羊角負宦  
情遂與碧鷄遶蕭崑古木元爲友漢洞蟠龍自不飛却笑  
悠悠行路者梯山航海未曾歸

冬日過安邑

方 葉



落日蕭蕭馬步輕  
頻年烽火動南征  
林坳不辨舊時路  
山鳥如知熟客名  
五嶺嶂高人迹少  
三冬雪冷鬢毛驚  
太平干羽多文德  
何事書生把劍行

贛署臥病

洪瞻祖

攘臂夫離不自供  
竦身汗漫未相從  
暫拋符印鄉思切  
久浥圖書瘴雨重  
地豈淮陽難臥理  
天連衡嶽易迴蹤  
官曹莫怪遲軍帖  
走筆三年萬事慵

夜渡章江

傅朝佑

長江飛渡珮青萍  
驚起蛟龍噴浪腥  
夜靜嚴寒風嘯水  
天邊漁火燦疎星

重遊虔南

歐陽鉉

贛州府志

卷三九

明詩

四十三

不到虔南十五秋  
依稀記憶古城樓  
欲尋舊地深青草  
爲問同人半白頭  
臺聳鬱孤文尚在  
巖含馬祖句猶留  
年光倏忽如流水  
載酒憑誰續勝遊

龍南道中早發

馬鉉

朝發龍南道  
東方欲曙時  
僕夫三尺劍  
行李一囊詩  
林密雲封暗  
山高日上遲  
前村煙火近  
駐節借晨炊

贛州府志卷三十九